

Sarajevo, 06-01-2021

Broj: 01-11-3-712

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-231 od 05.01.2021. godine, Generalna direktorica donosi:

**ODLUKU  
o izboru najpovoljnijeg ponuđača  
za nabavku monitora za praćenje vitalnih funkcija sa mobilnim stalkom  
za potrebe KCUS-a**

**I**

Prihvata se prijedlog Komisije za nabavku monitora za praćenje vitalnih funkcija sa mobilnim stalkom (10 kom) za potrebe KCUS-a, po Izvještaju br. 10-33-4-231 od 05.01.2021. godine, nakon provedenog otvorenog postupka javne nabavke i ugovor dodjeljuje najpovoljnijem ponuđaču:

**SONO MEDICAL d.o.o. Sarajevo**

- Nabavka monitora za praćenje vitalnih funkcija sa mobilnim stalkom (10 kom) model: ePM 15 MINDRAY proizvodnje za potrebe KCUS-a
- jedinična cijena: 8.000,00 KM bez PDV-a x 10 kom
- **Vrijednost ugovora bez PDV-a: 80.000,00 KM**
- **Iznos PDV-a 17 %: 13.600,00 KM**
- **Vrijednost ugovora sa PDV-om: 93.600,00 KM**
- Uslovi plaćanja: 15 dana od dana isporuke, montaže, puštanja u rad, obavljene edukacije i ispostavljanja fakture
- Rok isporuke: do 40 dana od dana potpisa ugovora i prijema narudžbenice
- Garantni period/rok: 12 (dvanaest) mjeseci od dana isporuke i instalacije

**II**

Izabrani ponuđač dužan je u roku 5 (pet) dana od dana prijema ove Odluke, dostaviti original ili ovjerene kopije dokaza traženih tačkom 4.1 Tenderske dokumentacije, ne starijih od 3 mjeseca računajući od momenta predaje ponude, ukoliko iste nisu predali uz ponudu.

**III**

Ova Odluka stupa na snagu danom donošenja i bit će objavljena na web stranici KCUS-a putem web stranice Kantona Sarajevo kao i dostavljena ponuđačima učesnicima postupka javne nabavke.

**O B R A Z L O Ž E N J E**

U skladu sa Odlukom Generalne direktorice KCUS-a broj: 01-11-3-54812 od 26.11.2020. godine, pokrenut je postupak javne nabavke **monitora za praćenje vitalnih funkcija sa mobilnim stalkom za potrebe KCUS-a**. Nabavka je planirana Planom javnih nabavki za 2020. god. pod klasifikacijom „investicije robe“ redni broj 86. (Odluka o usvajanju Izmjene i dopune Plana javnih nabavki Kliničkog centra Univerziteta u Sarajevu za 2020 godinu, broj: 637/20 protokol br. 04-2-52505/20). Za predmetnu nabavku sredstva su obezbjeđena od strane Federalnog ministarstva zdravstva.

Klinički centar Univerziteta u Sarajevu je na portalu E-nabavke dana 30.11.2020. godine objavio Obavještenje o nabavci broj: 893-1-1-809-3-510/20 zajedno sa Tenderskom dokumentacijom. Tendersku dokumentaciju je preuzelo 17 (sedamnaest) potencijalnih ponuđača, a do krajnjeg roka određenog za prijem ponuda, dana 30.12.2020. godine 12,30 sati, dostavljene su 2 (dvije) ponude, ponuđača SONO MEDICAL d.o.o. Sarajevo

*Jurica*  
*Atlić* *Johanna*

(br.prot.-10-11-3-60758/29.12.2020 u 9 h i 22 min) i DERBY TRADE d.o.o. Brčko ( br.prot.10-11-3-60992 /30.12.2020 u 09 h)

Komisija imenovana Odlukom broj: 01-04-4-59916 od 23.12.2020. godine je izvršila uvid i provjeru svakog dokumenta iz dostavljenih ponuda, te ocijenila formalnu, suštinsku i tehničku valjanost, a polazeći od zahtijevane dokumentacije.

Analizom dokumentacije pristiglih ponuda utvrđeno je da dostavljene ponude ispunjavaju formalno-pravne zahtjeve tenderske dokumentacije.

**Tehničke zahtjeve** postavljene tenderskom dokumentacijom **ne ispunjava** ponuda ponuđača DERBY TRADE d.o.o. Brčko za slijedeće stavke: 1.6. Tehničkom specifikacijom traženo mjesto područje minimalno od 0 – 150 respiracija / minuti, a ponuđač ponudio mjesto područje od 6-150 bpm; 1.7. Tehničkom specifikacijom traženo minimalno područje mjerenja pulsa od 25 – 300 otkucaja/min, a ponuđač ponudio minimalno područje mjerenja pulsa od 20 – 250 bpm; 1.12. Tehničkom specifikacijom traženo da mora posjedovati mogućnost kalkulacije minimalno 5 parametara, a ponuđač je ponudio 3 (tri) parametra; 2.3. Tehničkom specifikacijom traženo Baterijsko napajanje: litij-ionska baterija minimalnog kapaciteta 5000 mAh, a ponuđač je ponudio kapacitet baterije 4000 mAh. Iz navedenih razloga ponuda ponuđača Derby Trade d.o.o. nije prihvatljiva i nije učestvovala u daljem toku postupka.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, **postupak se okončava u skladu sa članom 69. ZJN.**

Obzirom da je zadovoljena transparentnost i da je cijena jedine prihvatljive ponude u okviru osiguranih sredstava za nabavku, Komisija je Izvještajem br. 10-33-4-231/21 dala prijedlog, da se donese odluka o izboru najpovoljnijeg ponuđača i ugovor dodjeli ponuđaču Sono medical d.o.o. Sarajevo.

Prijedlog Komisije je prihvaćen i donosi se odluka kao u dispozitivu.



GENERALNA DIREKTORICA

Prof.dr. Sebija Izetbegović

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS